

## **Em Bütze mi Jlöck**

*Text: Mike Kremer*

Sterve, dat müsse mer all irjendwann  
Rennfahrer, Seeräuber, Frau oder Mann  
Wat mer och es un wat mer all mäht  
Am Engk zällt doch nor, wat der Petrus uns säht

Wors Do ‘ne Düüvel oder wors Do janz brav  
Röfs Do “Helau” oder “Kölle Alaaf”  
Wat immer beim Petrus om Speckzeddel steiht  
Ich weiß janz genau, wat hä mir sage weed

**Kanns Do och söns nit vill  
Kei Jeld un kei Jlöck em Spill  
Litt der doch jet em Blod  
Dat met däm Bütze kanns do jod**

Mir all maache Fähler, bes ens jet klapp  
Hee läuf et janz jot un do hät mer et satt  
un es och jeder an irjend jet draan  
ich luur mer dat Spilleche vun wigg jenog aan

Dä ein, dä kann schrieve, dä andere danz  
Su mancher spillt Fofball schon als janz kleine Panz  
Un mir fählt vun all dänne Saache e Stöck  
Dat mäht nix, denn ich fingk em Bütze mi Jlöck